

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Eðukatë Kombtare	Fq. 417
2. Kinematografi e na Shqyptarët	„ 438
3. Prej Letratyrës botnore. — III. Te kullat e orrlave	„ 446
4. Etruskë e Turrenë	„ 454
5. Per Fjalorin Shqip	„ 461
6. Lajme rrokull Shqypnis	„ 467
7. Lajme rrokull botës	„ 469
8. Bibljografi	„ 470
9. Quo Vadis...? — Pj. II. — 22	„ 169



*Drejtimi man tagrin m' çdo artikull, qi botohet në ket të
Perkohshme, tue ndalue njëherit edhe çdo rishtypje a perkthim.*

E d u k a t ë K o m b t a r e

Ndjesi kombtare të natyrshme — Burimet e ndjesis kombtare — Formim e reformim — Mjete e mënyra — Edukatë shoqnore — Edukatë shtetnore — Ideali Kombtár.

„Tesh qi u bá Shqipnija duhen bá Shqiptarët“ shkroi dikúr Poeti i ynë nder kto fletë me dishirin e atij, qi e lypë të miren e Atdhent, me menden e atij qi e difton të miren e me zemren e atij qi e pret të miren. *U bá Shqipnija* janë kenë e janë fjalë të dijtuna me gjith ate persritja e tyne i del e kandshme veshit sa do herë me u ndie, i gjason njaj kumbone, qi me zà të kumbueshem na qet nder mënd nji kohë, nji ditë, nji ças, qi per shqiptarin e vertetë nuk ka si me mbetë harrue.

Duhen bá Shqiptarët: Njallja e jonë politike, drita e fortë e nji liris së dishrueme, ndryshimi i madh në njes të robnis e lirimimit në njes të vuejtjeve e gzimit, na la per do kohë si të topitun, në fillim të zgjimit prej njaj andrre së giatë e së mundshme, nuk dijtem me mendue, desh-tem vetem me gzue!

Má se-njizet vjet kaluen prej asaj dite, qi u bá Shqipnija; per-pjekjet t'ona relativisht janë kë në të dukshme, por me gjith punët e krye-me, lame pak mbas dore afrimin e zëmrave kah atdheu, unjisinin e shpirtnave në nji ideal të naltë, tue mos mendue se pa edukatë komb-tare nuk mund t'eksistojë me të vertetë nji komb.

Ndjesi kombtare të natyrshme

Kur thohet a shkruhet se Shqipnija u krijue per mshrir a inte-resë të fuqive të mdhá e jo edhe prej perpjekjeve së Shqiptarve, hidhet jo vetem nji farë e damshme në shpirtin e atyne qi fillojnë dalë kadalë m'u pajue me ndiesi të reja kombtare, por mshehet edhe nji e vertetë, të cillen historija e jonë e pashkrueme, nen influencen e pasjoneve të verbta sot, nji ditë do ta qesin në dritë bash per ndeshkim t'atyne, qi

